

Pakauna

Adu dagiti baro a takuat iti agrikultura, ngem adu a mannalon ti saan a mairanranud kadagitoy ta dida makaasideg kadagitoy ahensia a mangiwanwanwan kadagitoy. Adda met dagiti makaasideg no dumaryda kadagitoy panagsanay.

Adda pay dagiti mannalon ti kayatda ti makaadal, ngem maliwayan ida dagiti ahensia a nakatakuat kadagitoy a teknolohia. Gapu iti kaadu dagiti kayatda nga aramiden, malipatan dagiti mangimaton kadagitoy nga ahensia ti pudno a kaipapanan dagiti aramidda -- ti mangidanon kadagitoy resulta ti panagsukisok kadagitoy mannalon.

Addada met dagiti mannalon ti nakaadal kadagitoy baro a teknolohia, ngem saanda maiyaplikar dagitoy iti talonda.

Ngarud, ti Extension Directorate ti Mariano Marcos State University ti agbalin a ramay ti unibersidad tapno maiyasideg dagitoy a takuat kadagitoy mannalon, ken dadduma a benepisario ti panagrang-ay tapno magun-odda ti panagdur-as.

Babaen ti tulong ti Commission on Higher Education, maipblaak dagitoy a teknolohia tapno maisaknap dagitoy a takuat.

Mairuknoy daytoy a pagbasaan kadagitoy amin a mannalon ken dagiti cliente dagiti Techno Pinoy Centers iti Rehion I.

Agisayangkat ti Extension Directorate kadagitoy panagsanay, *pilot demonstrations* ken *exhibits* tapno maiyadal dagitoy a takuat.

Dagiti kangrunaan a sakit ti mula kamote iti Ilocos Norte.

1. Sweet potato weevil (Abaleng) – daytoy ti kangrunaan nga agdadael kadagitoy mula a kamote. Kanenda dagiti nalukneng a rangaw, bulong, lanut, ken bagas dagiti mula. Dagiti met babassit nga abaleng ti napigsa nga agkaan kadagitoy ungkay ken bagasda.

Saanen a mabalin a kanen wenco sidaen dagiti naapektaran a mula ta makadadael iti salun-at.

Wagas ti panangsalaknib

- Mabalinen nga apiten dagiti bagas ti kamote no agrenggat ti daga a nakaimulaanna.
- Pasayakan bassit ti talon tapno maliklikan ti pangaserrek dagiti peste kadagitoy bagas ti mula.
- Suroten ti *crop rotation* tapno saan nga agbalay dagiti abaleng iti daga ken maliklikan ti panagaduda.
- Imula laeng dagiti nasalun-at a kamote.
- Agaramat kadagitoy naresistansia a barayti.
- Pasuyutan dagiti mula no kasapulan.



Ti nataengan nga abaleng



Ti kamote a dinadael ti abaleng



Dagiti lanut ti kamote a dinadael abaleng



Kadawayan nga atakaren ti insekto ti lanut iti baba a paset ti mula



Isawsaw dagiti imula iti rekomendado nga insektisidio tapno malapdan ti pannakadadaelda



2. Insekto nga agkittab iti bulong (*Foliage-feeding insects*) – pasuyutan dagiti mula no kasapulan.
 - Dalusan ti kataltalunan
 - Imula laeng dagiti nasalun-at a kamote.



3. Sweet potato mosaic – agkulot ti bulong ti mula a maapektaran iti daytoy a sakit. Maprebentaran daytoy no dalusan ti lawlaw dagiti mula ken agusar iti nasalun-at a mula.



4. Dagiti sakit nga itden ti buot

- Fusarium rot
- Black rot
- Soft rot
- Sweet potato rot

Maprebentaran dagitoy no agmula kadagiti barayti a naresistansia iti sakit ken nasalun-at a rangaw ti kamote. Puoran dagiti mula a naapektaran kadagitoy a sakit.

Panagidulin

Bumaba iti kalidad dagiti bagas ti kamote no mainitanda unay ken no nakaro iti pannakaiyuperda iti danum wenco pannakalayusda.

Mapagtalinaed ti napintas a kalidad ti apit no maidulinda iti napintas ti temperaturana a lugar. Mabalin nga ikabilda iti kawayan a trey ken maidulinda iti napintas a lugar.

Iipayangyang dagiti bagas ti kamote iti umuna a 10 nga aldawna tapno agbayagda iti 2 agingga't 3 a bulan.

Umno a Panagmula

Nasken a masurot dagitoy sumaganad a wagas ti panagmula iti kamote tapno adu ti maapit.

1. Crop rotation - isublat nga imula dagiti legumbre (balatong, utong, ken dadduma pay) tapno pasublienna ti napintas a kalidad ti daga, pangatuenna iti suplay ti nitroheno, ken pangatuenna ti apit. Bumassit ti maapit no kanayon a mulaan ti talon iti kamote ta bumaba ti kalidad ti daga ken kanayon nga umatake dagiti abaleng.
2. Relay-cropping/intercropping - iballaet nga imula ti mais, bukakaw, kahoy, ken legumbre kadagiti mula a kamote. Babaen iti daytoy, umadu ti maapit a kamote ken dagiti sabali pay a mula.
3. Panagmula kadagiti tangkig a lugar - babaen iti daytoy a wagas, malapdan ti pannakareggaay ti daga, pabassitenna ti panagtubo dagiti ruot, ken paaduenna ti apit.

Saluadan dagiti mula a Kamote



Editorial Board

Dr. Marivic M. Alimbuyuguen, Chair

Dr. Artemio B. Alcoy, MMSU-CAF

Source of Technology

Consultants/Advisers

Dr. Stanley C. Malab

Mercy Fausta R. Gaño,

Translated into Iloco/Lay-out:

Reynaldo E. Andres, Editor

Dr. Miriam E. Pascua